

全唐詩

全唐詩

全唐詩目

第十二卷

第二冊

皎然

七卷

廣宣

一卷

含曦

善生

韜光

知玄

元孚

栖白

應物

智亮

良乂

常達

僧鸞

神穎

澹交

文秀

懷楚

耽章

共一卷

子蘭

一卷

可止

雲表

歸仁

卿雲

隱巒

冷然

大愚

懷濬

恒超

淨顯

修雅

元寂

若虛

文益

无則

謙光

共一卷

全唐詩

皎然

皎然名晝姓謝氏長城人靈運十世孫也居杼山文章
雋麗顏真卿韋應物竝重之與之酬倡貞元中敕寫其
文集入於祕閣詩七卷

奉酬于中丞使君郡齋臥病見示一首

宿昔祖師教了空無不可枯槁未死身理心寄行坐仁
公施春令和風來澤我生成一草木大道無負荷論入
空王室明月開心胷性起妙不染心行寂無蹤若非禪
中侶君為雷次宗比聞朝端名今貽郡齋作真思凝瑤
瑟高情屬雲鶴扶得驪龍珠光彩曜掌握若作詩中友

君爲謝康樂盤薄西山氣貯在君子衿澄澹秋水影用
爲字人心羣物如鳧鷖遊翔愛清深松居第一品高步
凌前躅精義究天人四坐聽不足伊昔柳太守曾賞汀
洲蘋如何五百年重見江南春公每省往事詠歌懷昔
辰以茲得高臥任物化自淳還因訪禪隱知有雪山人

贈李中丞洪一首

深沈閩外畧一作權奕世當榮寄地裂大將封一作軍家傳介珪

瑞至今漳河俗猶受仁人賜公初鎮惟邢一作淮荆決勝無精

兵重圍逼大敵六月守孤城政用仁恕立恩繇賞罰明

遂令麾下士感德不顧生於時聞王師諸將兵頗黷天

子狩南漢煙塵滿函谷純臣獨耿介下士多反覆明公

仗忠節一言感萬夫物性如疾藜化作春蘭敷見說一作

金被燦終期玉有瑜移官萬里道君子情何如伊昔避

事心乃是方袍客頓了空王一作旨仍高致君策安知七

十年一朝值宗伯言如及清風醒然開我懷宴息與遊

樂一作不將衣褐乖海底取明月一作波不可度上有巨

鱗吞下有一作毒龍護一與吾師言乃於中心悟咄哉冥

冥子胡為自塵汚一作塵

杼山禪居寄贈東溪吳處士馮一首

青雲何潤澤下有賢人隱路入菱湖深跡與黃鶴近野

風吹白芷山月搖清軫詩祖吳叔庠致君名一作不盡身

當青山秀詩曰家住青山下青山有文體多郢聲澄澈湘水碧次

吳錫故宅後改為吳錫山

皎然

寥楚山

一作青天

時人格不同至今罕知名昔賢敦師友

此道君獨行既得廬霍趣乃高雷遠情別時春風多掃
盡雪山雪爲君中夜起孤坐石上月悠然遺塵想邈矣
達性說故人不在茲幽桂惜未結

妙喜寺高房期靈澈上人不至重招之一首

晨起峰頂心懷人望空碧掃雪開寺門灑水淨僧席言
笑形外阻風儀想中覲馳心驚葉動傾耳聞泉滴豈慮
咆虎逢乍疑崩湍隔前期或不顧知爾曠常格如今誰
山下一作下山秋霖步淅瀝吾亦聊自得行禪荷輕策松聲暢
幽情山意導遐跡舉目無世人題詩足奇石貧山何所
有特此邀來客

奉和薛員外誼贈湯評事衡反招隱之跡一作兼

見寄十二韻

喜友稱高儒曠懷美無度近爲東田誘遂耽西山趣庭
有介隱心得無雲泉誤府公中司貴頻貽咫尺素郡佐
仙省高亦贈瓊瑤句誚茲長往志紆彼獨遊步禪子方
外期夢想山中路艱難親稼穡晨夕苦煙霧曷若孟嘗
門日榮國士遇鏗鏘聆綺瑟攀折邇瓊樹幽踐隨鹿麋
久期怨蟾兔情同不繫舟有跡道所惡

荅黎士曹黎生前適越後之楚

楚木紛如麻高松自孤直願得苦寒枝與君比顏色故
鄉眇天末羈旅滄江隅委質在忠信苦心無變渝何繇

表名義贈君金轆轤何以美知才投我懸黎珠遽爲干
里別南風思越絕愛君隨海鷗倚權宿沙月不栖惡木
上冑蹈已蛇穴台人表朝逆命故若不踐其土一上蕭然峰擬蹤幽人轍晨
興獨西望郢水期沂沿夜到洞庭月秋經雲夢天黎生
知吾道此地不潸然欲寄楚人住學拏漁子船柰何北
風至攪我窗中弦遊子動歸思江籬亦綿綿篋中封禪
書欲獻無繇緣豈乏晨風翼翻飛到日邊

荅豆盧次方

吾愛道交論爲高貴世名昔稱柴桑令今聞豆盧生彼
生清淮氣獨鍾文中彩近作公讌詩如逢何柳在吾用
古人耳採君四坐珍賢士勝朝暉溫溫無冬春朝暉爍

我肌賢士清我神微爾與雲鶴幽懷何繇申別來秋風
至獨坐楚山碧高月當清冥禪心正寂歷增波徒相駭
人遠情不隔有書遺瓊什以代貂襜褕風教凌越絕聲
名掩吳趨懸壁安可酬徒倚還踟躕

荅蘇州韋應物郎中

詩教殆淪缺庸音互相傾忽觀風騷韻會我夙昔情蕩
漾學海資鬱爲詩人英格將寒松高氣與秋江清何必
鄴中作可爲千載程受辭分虎竹萬里臨江城到日掃
煩政況今休黷兵應憐禪家子林下寂無營跡隳世上
華心得道中精脫畧文字累免爲外物撻書衣流埃積
硯石駁蘚生根未識君子空傳手中瓊安可誘我性始

願愆素誠爲無獄爲鶯音繼公雲和笙吟之向禪藪反媿
幽松聲

荅鄭方回

獨禪外念入中夜不成定願我顛顛容澤君陽春詠詞

貞思且逸瓊彩何暉映如聆雲和音況覩聲名盛琴語

掩爲去聲聞山心聲宜聽是時寒光澈萬境澄以淨高秋

日月清中氣天地正遠情偶茲夕道用增寥夏思君處

虛空一操不可更時美城北徐家承必口鄭軒車未有

轍蒿蘭且同徑莊生識近名夫子罕言命是以一作時耕楚

田曠然殊獨行萎蕤鸞鳳彩特達珪璋性通隱嘉黃綺

高儒重荀孟世污平聲我未起道蹇吾猶病逸朝思冥冥

潛鱗樂游泳宗師許學外恨不逢孔聖說詩迷頽靡偶
俗傷趨競此道誰共一作共誰詮因君情欲罄

荅俞校書冬夜

夜閑

一作來

禪用精空界亦清迴子真仙曹吏好我如宗炳

一宿覲幽勝形清煩慮屏新聲殊激楚麗句同歌郢遺

此感子懷沈吟忘夕永月彩散瑤碧示君禪中境真思

在杳冥浮念寄形影遙得四明心

答四明

何須蹈岑嶺詩情

聊作用空性惟

一作復

寂靜若許林下期看君辭簿領

妙喜寺達公禪齋寄李司直公孫房都曹德裕

從事方舟顏武康士驄四十二韻

我祖傳六經精義思朝徹

莊子曰守之九日而後能外生外生而後能朝徹

方舟頗周覽

逸書亦備閱墨家傷刻薄

墨流刻薄而不仁可
以理身不可濟世

儒氏知優劣弱

植庶可彫苦心未嘗輟中年慕仙術永願傳其訣歲駐

若木景日餐瓊禾屑嬋娟羨門子斯語豈徒設天上生

白榆歲蕤信好折實可反柔顏花堪養玄髮求之性分

外業棄金亦竭藥化成白雲形彫辭素穴

素穴山名

一聞西天

旨初禪已無熱

第四禪中有天名無熱無三災之患故以
為名今初禪即得蓋詩人美已證超出常

涓子非我宗

然公有真訣却尋丘壑趣始與纓絨別野飯敵膏梁山

楹代藻梳與君北巖侶遊寓日常跌靜對春谷泉晴披

陽林雪境清覺神王道勝知機滅詣寂長杳冥忘歸暫

采擷物生豈有心麗容俟予別桂子何莫苓琪葩亦皎

潔此木生意高亦與眾芳列賞墨識屢換省躬悟彌切

微尚若不虧足以全吾節北風吹蕙帶蕭寥聞蜻蛚宿
昔廬峰期流芳已再歇不有清屏鑒使我商弦絕願寄
千里心月高不可掇優游邦之直遠矣踵前列立俗忘
毀譽遇物遺巧拙真氣獨條然軒裳詎能絀都曹風韻
整綱紀信明決於交必傾寫立行豈矜伐政與清渭同
分流自澄澈裴侯資亮直中誠豈徒說古人比明義清
士願交結溫溫躬珪彩終始聲不缺顏生炯介士有志
不可越仗義冒險難一作艱持操去淄涅世論高二賢即魯公
猶子也
賢賢繼前哲四子遭明盛衰然皆秀傑理名雖殊跡悟
道寧異轍愛爾竹柏姿爲予寒不折

送酬表使君高春暮行縣過報德寺見懷

江春行求瘼偶與真境期見說三陵下前朝開佛祠停
舟仰麗刹繡組發香墀咫尺空界色天人花落時盛游
限羸疾悚踴瞻旌旗峰翠羨閑步松聲入遙思素高淮
陽理況負東山姿迨此一登覽深情見新詩

冬日遙一作奉和盧使君幼平綦母居士遊法華寺

高頂臨湖亭一作奉和盧使君幼平遊朝陽山寺臨太湖時在郭不得往

仁坊一作祠標一作當絕境廉守一作明牧躡高一作靈蹤天曉纔分刹風傳

欲盡鐘一作欲到心涼城中歸路遠一作在湖上碧山重水照千

花界雲開七葉峰寒芳一作空艾綬滿空一作晴翠白綸濃逸韻

知難繼佳遊恨不逢仍聞撫禪石為我久從容

秋日遙和盧使君遊何山寺宿敷上人房論渾

槃經義

江郡當秋景期將道者同跡高憐竹寺夜靜賞蓮宮古
磬清霜下寒山曉月中詩情緣境發法性寄筌空翻譯
推南本何人繼謝公

酬秦山人系題贈

出齋步杉影手自開禪扉花滿不污地雲多從觸衣思
山石蘚淨款客露葵肥果得宗居士論心到極微

奉酬袁使君高寺院新亭對雨

其亭即使君所創

茲亭跡素淺勝事併隨公法界飄香雨禪窗灑竹風浮
煙披夕景高鶴下秋空冥寂四山久寧期此會同

奉酬顏使君真卿見過郭中寺寺無山水之賞